

續山東考古錄

續山東考古錄卷之十六

滄州葉圭綬子佩甫述

青州府中

高苑縣

周齊狄邑

亦作翟

史記田單攻狄三月不下按卽漢狄縣後漢志臨濟下劉昭

注地道記曰狄伐衛懿公按伐衛之狄非此

縣有衛靈公冢按魏志長樂縣

有王陵冢衛靈

疑王陵之訛

漢青州千乘郡治千乘縣又狄縣被陽縣又高苑縣地

齊川墟是

千乘南北二城在北二十五里

二城隔會水卽濰也或一縣城一郡城或縣徙治均未詳

狄縣故城在西北二里寰宇記稱如狄城未詳

被陽縣故城在西八十步

後漢青州樂安國治臨濟縣永平三年爲千乘國四年爲郡

王建

卒無

後建初四年仍爲國永元七年改名樂安

和帝紀改千乘國爲樂安國章懷注

千乘故城在今淄州高苑縣北樂安故城在今青州博昌縣南按收國名樂安與樂安縣無涉注殊混

移治狄縣

永初二年改狄爲臨濟質帝時國除爲郡

徙封渤海

又千乘縣又高

苑縣地魏因之晉初爲國元康中爲郡

殤王籍卒無後

省千乘縣

通鑑章邯已被陳王乃進兵擊魏於臨濟胡注後漢志陳留

郡平邱縣有臨濟亭水經注曰田儋死處史記正義曰今齊

州臨濟也又云故城在淄州高苑縣北二里余按胡正義所

云臨濟田儋起狄縣是也非魏王咎所居臨濟也後漢志及水經注爲是按田儋起於千乘之狄縣而死於陳留之臨濟楚漢之際狄無臨濟名臨濟無狄名後漢安帝以田儋起於此而死於彼狄縣恰臨濟水濟水又有狄名遂改狄爲臨濟正義以後漢臨濟縣爲秦臨濟亭而齊州臨濟乃漢朝陽管縣地旣知故城在高苑又引隋唐臨濟何爲乎齊乘以平邱臨濟爲故狄地蓋誤於水經注臨濟故狄之文耳 齊乘臨濟後省入高苑考劉宋於臨濟置渤海郡高苑亦僑置平原等縣高齊省并諸縣高苑故地有入長樂者謂省高苑入臨濟則大誤

晉志樂安國首高苑或據此謂晉國治移高苑考晉志居首之縣非郡國治者甚多未敢從

劉宋僑冀州渤海郡治長樂縣宋僑置長樂於臨濟城郡治縣之被陽故城樂安郡移治今樂安臨濟移今齊東境又樂陵郡

陽信縣地

有千乘城詳博興

後魏渤海僑郡屬青州

魏志青州渤海郡故臨淄地考水經注臨濟有南北二城隔

濟水南城卽被陽縣故城今渤海僑郡治據寰宇記宋長樂

縣卽臨濟城此淄字乃濟字訛耳 劉宋志渤海太守長樂

令下晉之長樂郡也疑是江左省爲縣至是又立按晉長樂

郡析渤海置乃實土與此無涉江左省爲縣又僑置於南冀

州者與此尤無涉 寰宇記高苑縣干乘故城條云宋置樂

安郡於此按宋樂安郡移置漢巨淀城此誤

詳樂安

紀要朱

長樂縣卽今高苑縣治誤

高齊青州

郡長樂縣周因之

齊長樂縣卽今縣治寰宇記被陽故城在縣西南八十步齊
自如狄故城移長樂縣理此按縣治高齊迄今未再徙蓋於
故渤海郡城東北隅立縣治城小於古城後古城廢而西南
八十步有遺址非截然兩城故記謂移治被陽故城也又云
齊廢渤海郡長樂屬長樂郡考隋志高苑下不書齊置長樂
郡他縣亦無此郡未知所據闕疑俟考

隋齊

州郡

高苑縣開皇十六年改長樂爲會城縣大業三年又改

隋亂廢

隋取縣東南平安故城俗名改長樂爲會城紀要疑會城縣治彼非是寰宇記隋取縣東南高苑故城爲名蓋漢高苑東城元以前本屬高苑也紀要稱高苑故城在高苑東北繆

唐河南道淄

川州郡

高苑縣武德元年屬鄒州八年來屬元和十

五年省濟陽縣入之

今隸鄒平

五代因之

宋京東東路淄

川州郡

高苑縣景德三年於縣置宣化軍縣屬焉

尋以縣令兼軍使還屬

宋志景德三年以縣置宣化軍尋廢軍爲縣隸州卽縣治置

軍使按初非改縣爲軍後亦非廢軍爲縣縣治猶置軍使則軍號並未廢特以縣兼之仍屬州耳

金山東東路淄州高苑縣除宣化軍號

元都省山東益都路高苑縣南境析入新城

明山東布政司青州府高苑縣

國朝因之

縣志

乾隆二十二年修
知縣張耀璧

沿革夏禹青州之域地名宛牆按

高宛爲齊苑圍俗傳耳豈夏后氏已有此名耶 漢初爲

丙倩侯國復析置翟披陽高苑三縣按此沿齊乘之繆而

愈甚者

齊乘云漢初爲丙倩侯國後爲縣抑知漢侯國卽縣耶然于氏猶專指高苑此并及翟披陽二縣愈

穆 晉封裴秀爲侯國按封以高苑濟川墟方六十里非

統一縣封之也 唐析置濟陽縣引齊乘云在濟南府東

北九十里按齊乘引寰宇記誤在州北作縣北此又誤作

濟南府直以爲今濟陽縣矣 宋置宣化軍金復高苑誤

樂安縣

漢青州齊郡鉅定縣廣饒縣干乘郡琅槐縣後漢三縣並廢或
云廣饒未廢或云後復魏因之

鉅定縣卽今縣治

詳下

廣饒縣故城在東北二十里水經注

自東安
平縣北

又東逕巨淀縣

故城南縣東南則巨淀蓋以水受名又東北逕廣饒縣故城

南又時澠水

自利縣北

又東北逕巨淀縣故城北又東北逕廣饒

縣故城北是巨淀城在安平東北利城東溜北時澠南巨淀西北今治在石槽城東北利城店東二十里溜水在城南二十許里福民河時澠道也在其北清沙泊巨淀湖也在其東南其爲漢巨淀縣城明矣舊謂今治爲廣饒城果爾則巨淀城當在今治西是巨淀城與巨淀中隔一廣饒縣巨淀安能在其東南且不當以巨淀名縣矣紀要禹貢錐指並云廣饒城在縣東北二十里從之

琅槐縣故城在東北

里水經注應劭曰博昌東北八十

里有琅槐鄉故縣也當在縣北稍東舊說在東北百十里則

至博昌故城不止八十里矣似誤俟再考

元和志千乘縣千乘者以齊景公有馬千駟畋於青邱得名
今縣北有青邱因以爲名寰宇記同考千乘故城在高苑北
旣是千乘縣所由名則與劉宋後之千乘縣無涉矣齊乘於
千乘故城引此最當又引縣北有青邱灤卽今清水泊又引
子虛賦注云青邱山在海外出九尾狐蓋溟海耳按青水泊
卽巨澨不惟不在千乘故城北並不在今縣北子虛賦自指
海外之青邱服虔曰青邱國在海外東三百里
唐伐高麗有青邱道大總管更無容與此青
邱牽混于氏又於下加灤字山名變作水名而牽入清水泊
或據此謂樂安爲齊青邱邑水名又誤作邑名矣今不取

後漢志無廣饒縣而魏志廣饒下云二漢晉屬補三國志云

漢中興後省疑漢末復立理或然也

晉青州齊郡廣饒縣及樂安國博昌縣地

琅槐後漢省入博昌

劉宋僑冀州樂安郡治千乘縣宋移郡來治巨淀故城並復置

千乘縣於此

廣饒疑徙東安平地見臨淄

後魏樂安僑郡屬青州齊周因之

隋志千乘下舊置樂安郡開皇初廢是齊周皆因魏舊

隋

青州北海郡

千乘縣開皇初廢樂安郡來屬十八年析博昌置新

河縣大業初省入博昌

新河縣卽琅槐故地宋魏齊周未詳屬何縣

新河縣故城在北少東一百里今新河鎮九域志千乘有新

鎮卽新河故治也紀要引志云在縣西南考隋置新河以博

昌東北土宇遼濶故也若縣西南乃博昌東南去縣及臨淄皆不過三四十里何須別置一縣乎新河鎮在大河漯河入海處或故道有改移因以名縣縣西南無由以新河名縣也

唐河南道青州北海郡千乘縣武德二年於縣置乘州復置新河縣

六年省入千乘八年州廢來屬五代因之

宋京東東路青州北海郡千乘縣

金山東東路益都府樂安縣天眷元年改金志不載何年改茲姑從縣志

寰宇記千乘縣隋移縣於今所卽漢廣饒縣地高苑下千乘

故城條云宋於此置樂安郡開皇三年移千乘縣於廣饒城

齊乘紀要廣饒城隋縣廢改置千乘縣此廣饒城劉宋已廢此誤金人又

置樂安縣於今治按隋徙廣饒旣難深信金徙今治更少實
徵考隋志千乘下云舊置樂安郡蓋自劉宋以來千乘故城
屬陽信僑縣則千乘縣早非舊治隋志稱舊郡乃宋魏齊周
之樂安郡卽宋魏齊周之千乘縣樂氏不知劉宋已徙千乘
於此誤稱置郡於古千乘城而隋唐宋之千乘縣卻非漢治
遂以隋廢郡之年作徙縣之年一經道破其誤顯然或謂宋
徙廣饒城隋又徙今治今治至府八十里淄水在南二十里數
皆與元和志同說自可從但隋代本無徙治事樂氏因不知
千乘故地早屬僑陽信樂氏於陽信縣反而有此誤正不必
曲爲之辭也禹貢錐指曰晉復置廣饒劉宋改曰千乘歷代

因之金改曰樂安是今治卽劉宋所徙最爲卓見樂氏或曰
廣饒地或曰廣饒城蓋廣饒徙巨淀故城實屬之宋徙治
時巨淀故城猶存徙於廣饒之巨淀城不知者遂謂徙廣饒
城耳金徙今治遍考無此說今治卽唐宋縣治厯有明據因
不知徙廣饒時卽今治以金改今名遂謂金徙今治與樂氏
之誤正出一轍 舊唐志千乘縣漢千乘國當作郡後漢樂安
郡當作國朱齊廢隋置千乘縣按此竟不知隋縣非漢治宋有
千乘當是高齊廢然齊千乘並未廢繆甚

元都省山東益都路樂安縣

明山東布政司青州府樂安縣

國朝因之

縣志

雍正十一年修
知縣李方膺

建置漢樂安當在博昌南誤

北齊

改博昌爲樂安乃省樂安入博昌按齊改樂陵爲樂安樂安晉省非齊省 千乘南北二城濟水行其間故曰臨濟

按誤以狄與被陽兩城爲千乘二城又誤臨濟爲千乘改

劉裕雖收復建置多不可考又云漢

劉淵

趙燕秦宋魏齊

周皆非一統故不書按縣之名千乘正昉劉宋沈魏之書具在此云不可考以文其陋耳南北朝與十六國並論尤不合

壽光縣

夏斟灌國周紀國後入齊爲劇邑

斟灌國故城在東北四十里一稱灌亭一稱東壽光城今斟
灌店春秋襄公四年左傳魏絳曰寒泥使澆用師滅斟灌及
斟尋氏杜注樂安壽光東南有灌亭漢書應劭注古斟灌禹
後今壽光灌亭是水經注堯水逕東西壽光二城間應劭杜
預云云括地志斟灌故城在壽光縣東五十四里厯考諸書
皆言斟灌在壽光斟尋在平壽無異說也其謂斟灌卽畔觀
斟尋在河南者特因竹書紀年太康居斟尋后相依鄰侯之
文僻瑣注漢書卽疑之至今無定論余卽諸書所載寒泥事
反覆研究知二斟確在此不在彼也後漢志平壽有寒亭寒

泥封此通典壽光下亦載寒泥國

詳濰縣

蓋泥見棄於其君而

事羿之後還封宗國殺羿而代夏政仍其故都古諸侯爲天

子皆都本國不改羿主夏政亦國於窮

羿自鉏遷窮石固代夏政泥殺羿而食其

子其子死於窮門是羿都於窮左傳有明證紀年稱羿亦居斟灌不足信

則寒泥之都寒可知也

二斟者夏之近宗

二斟禹後禹至后相僅四世則二斟與后相有服之親也

寒之鄰土固

泥所急欲滅絕以廓其境而除其逼也於是命澆先滅斟灌

灌在寒西尤近也又以舟師溯濰水以伐斟鄩覆其舟於濰

水而滅之夫泥殺羿因羿室而生澆

紀年相八年寒泥殺羿使其子澆居過會不知

殺羿方有其室而生澆當殺羿時安有澆其人耶

至澆能用師年至少亦須十六七

歲此十餘年中已居寒國聽夏后居安邑好雄行事必不出

此是挾夏后以俱東后相以同姓故就近灌鄩焉依皆情理
所有二斟既滅始行弑逆后緡逃有仍今濟寧州也臣靡奔
鬲今德州也少康生於仍而奔於虞今曹州南接壤之河南
虞城縣也泥封澆於過以爲近藩按處豷於戈以防夏衆少

康既長老臣靡乃自鬲東伐收二斟之燼俾爲內應用誅寒
泥於寒少康復位卽自帥就近誅澆於過儻泥在夏都或居
窮石豈肯使維城宗子遙處東萊少康反正遽離京邑遠伐

海隅皆必無之理也觀寒泥始終及其時事皆在今山東境
知泥之都寒無疑而二斟之先滅或后相會依之無妨在壽

光平壽矣

紀年所載羿浞事全本左氏而矛盾甚多於太
康元年書帝居斟鄩於洛表於后相二十七年

又言澆伐斟鄩大戰於濰則敗洛表者之非於斟鄩可知至
未有羿室而已有澆尤于古笑柄蓋紀年乃魏國之史如魯
春秋只本國事其上及三代又上及黃帝以來晉宋人僞作
耳卽據紀年二斟亦無害在壽光平壽有覆舟之役在也特
後人不知其泥都寒因有去夏都太遠之疑而以畔觀鄩城
當之抑知畔觀乃姚姓並非禹後鄩城乃周大夫之邑乎

春秋隱公元年紀人伐夷杜注紀國在今東莞劇縣水經注
劇縣古紀國也後改曰劇魯連子曰胸劇之人辨者也

漢青州北海郡壽光縣益縣平望縣樂望縣又留川國治劇縣

文帝十六年

地志作十八誤

析齊置留川國

留川領三縣漢書高五王傳宣帝五鳳中削留川四

縣蓋初領七縣○儒林傳顏安樂授淮陽洽豐次君豐留川太守考顏爲睦孟門人孟昭帝時以說災異誅豐當爲宣元時人淄川自立國未嘗改郡不當有太守再考

壽光縣故城在東北二十里俗曰牟城

王莽曰翼平亭牟城平訛也或又訛羊城

水經注巨洋水

自碑閣
渾墓東

又東北逕益縣故城東又東北過壽

光縣西又云堯水逕東西壽光二城間今牟城在益城東北

巨洋水東堯水西斟灌城西北卽壽光故城無疑

益縣故城在南七里齊乘云益都本漢侯國武帝封菑川懿

王子胡爲侯國故城在壽光南按此混益縣城益都侯城爲

一矣

益都侯城
詳雜考

平望縣故城在東北五十里水經注巨洋

自壽
光西

又東北逕望

海臺西

後漢書韋懷注平
望城又稱平望臺

伏琛晏謨並以爲平望亭在平壽

縣故城西八十里

樂望縣故城在東四十里今王望店齊乘樂望城壽光東二

十里今日王望店按王望店在東四十里在東二十里者乃

樂城

詳

但于氏以王望店爲樂望縣未知所據姑從之

後漢書王

望字慈卿遷青州刺史時州郡災旱望行部見饑者裸行草食五百餘人愍然哀之因以便宜出所在布粟給其糜糧爲作褐衣按望垠邪人見前劉平傳此地或其行部施惠之所後人因以名之以寄甘棠之愛未可知也于氏說恐因一望字隱度之又齊國有門下掾名王望見後漢書吳良傳並識於此

雷川國劇縣故城在雷二十五里水經注劇縣城之北側有故臺臺西有方池晏謨曰西去齊城九十七里按此卽紀國城今故址內猶有故臺通典壽光下有紀國城在縣南又漢劇縣故城在縣南寰宇記紀城古紀侯之國今廢城在縣南又云劇南城故紀國漢曾爲劇縣今城亦在縣南按漢有兩

劇縣一屬北海今在昌樂而西北去紀城四五里一卽紀城
菑川國治之名同地近後人稱隸北海者爲劇南城以示別
酈道元已混兩爲一通典以一爲紀國以一爲漢縣寰宇記
本之而誤謂兩城皆紀國蓋世不知漢有兩劇縣也久矣

史記公孫宏傳齊菑川國薛縣人也漢書同惟無齊字前錄
云薛屬魯國儒林傳言薛人公孫宏是宏審爲薛人上言齊
菑川者誤耳按凡字之誤或音近而轉或形近而訛魯字與
菑川二字傳寫稱述斷無相訛誤之理况菑川上又有齊字
耶考本傳稱宏家貧牧豕海上薛縣不近海已可證宏非薛
人又云元光五年復徵賢良文學菑川國復推上宏是儒林

傳辭字亦是誤字顧氏反據之疎矣漢志北海郡有瓠縣顏注瓠卽執字王子侯表瓠節侯息史表作報師古又謂卽瓠字報又瓠之訛師古則自相矛盾索隱單行本曰報縣名志屬北海表作瓠韋昭以瓠爲諸蟄反說文玉篇皆有執無瓠師古以爲瓠卽古執字王氏懷祖謂瓠爲執之訛是也

河東郡之

瓠縣則音孤皆詳王氏韻書雜誌

瓠執與辭邊旁相似執在緝韻

廣韻十六輯有瓠字

音之入切縣名在北海

辭在屑韻音復相近蓋辭卽瓠之訛瓠字諸書

不多見或竟誤讀作辭或此縣名音本作辭

縣名不讀本字各从土音者甚

多皆未可知菑川本齊所分故史記猶冠齊字菑川本領七

縣宣帝時始削四縣瓠縣改隸北海故漢志瓠屬北海縣北

六十里有霜雪城既瀕大海又近劇縣西南去臨淄東南去北海郡皆不遠故齊淄川北海三處皆可統轄蓋雪又辟之訛霜又因雪加之耳近志淄川縣有孟嘗君墓既不知史記

漢書辟字爲執字復以今淄川縣爲漢淄川國則謬之謬矣

霜雪城之爲執城本無可疑以先無他據故提綱不書漢齊國得自置二千石以下官初領七十餘城故得自置郡以領縣或淄川國未分置之時齊已自置淄川郡而執縣其舊屬武帝時淄川已別爲國史仍舊制書之故作齊淄川辟人或曰烏知執非本屬北海考北海景帝置文帝分置淄川時其屬縣安得有北海屬乎

後漢青州樂安國壽光縣益縣北海國劇縣地建武十三年併

淄川國入北海建武二年封劉終爲淄川王十年卒光武紀章懷注淄川國今淄州縣省所治劇

縣入北海劇縣名紀亭詳昌樂又平壽縣地平望入魏收益縣爲

益都正始元年置南豐縣

南豐縣故城在西北三十里今豐城水經注巨洋水逕益縣

故城東晏謨曰南去齊城五十里司馬宣王伐公孫淵北徙

豐人

漢遼東郡無此縣疑公孫氏所置

住於此遂改名爲南豐城也按益縣

城在臨淄西不得云南去齊城且八九十里非五十里也考

舊唐志元和志括地志寰宇記並稱曹魏

惟寰宇記誤作元魏

於今壽

光南十里漢益縣故城置益都縣酈注於巨洋枝津所逕益

都侯城稱爲北益都城其城在益城北如非益改益都何以

稱此爲北益都耶三國魏紀正始元年規齊郡之西安臨淄

昌國界爲新汶南豐縣酈注與史亦不合今豐城與晏說相

符當爲臨淄地或曰當爲東安平地史誤作西安耳備考

晉青州樂安國壽光縣益縣

或曰仍魏舊名益都備考
晉志誤與利縣連書詳博輿

又齊

郡平壽縣地徐州東莞郡劇縣地

劉宋青州齊郡益都縣樂安郡博昌縣又僑冀州河間郡樂城

縣南皮縣後魏因之

後魏河間僑
郡屬青州

齊移益都於州城北周因之

劉宋博昌縣故城在北

里舊唐志壽光縣隋移治所於

博昌城元和志壽光縣宋省開皇六年於縣北一里博昌故

城置壽光縣蓋劉宋移博昌治此也今縣北無址而齊乘引

作十里疑置於王胡城

卽益都
侯城

元和志訛十爲一也備考

僑樂城縣故城在東南十里今樂城村一作洛城縣東南東

方莊有元縣令孟過重修龍興寺碑有云寺在縣東南十五里有石佛一座上書洛城令李某同妻李氏施北魏承明時所造按宋僑南皮縣在縣境則河間僑郡所屬約皆在此此城去龍興寺五里卽樂城僑縣明矣洛樂字俗每通用漢平

樂城魏志作平洛可證

見單縣

僑南皮縣故城在東北四十里今南皮臺魏志青州南皮下有望海臺按卽漢平望縣城今南皮臺與相近卽南皮僑縣矣齊乘疑南皮臺爲平望亭非是

高齊時博昌廢益都移壽光未復諸僑縣約皆省并今縣境齊周時未詳爲何縣地但元和志所謂齊廢博昌者實誤指

漢博昌城此博昌未必齊廢也隋改博昌爲壽光唐人以爲
於博昌故城置壽光耳備考益都雖徒疑故城仍屬之

隋

青州北海郡

壽光縣開皇六年復於劉宋博昌城置十六年置閭

邱縣大業初省入壽光隋亂縣廢

紀要閭邱縣故城在縣南未詳所據

唐河南道

青州北海郡

壽光縣武德二年復屬萊州八年來屬五代

因之

唐壽光縣卽今治元和志稱隋縣在今縣北未載何時徙治
蓋唐復置時卽今治矣

宋京東東路

青州北海郡

壽光縣

金山東東路益都府壽光縣

元都省山東益都路壽光縣

明山東布政司青州府壽光縣

國朝因之

縣志

嘉慶四年修
知縣劉翰周

沿革周牟國繆極

因牟城而附會者又
引府志云周封牟子

於齊齊人忌與臨淄相近
遷牟子於牟平繆極矣

漢置益都侯國按漢益縣非

侯國 又置劇縣侯國有紀亭古紀國按侯國之劇在昌

樂紀亭之劇在縣南水經注已有此誤 又置鉅定縣按

西北或有鉅定縣地其縣治卽今樂安 隋置閭邱縣大

業時改壽光誤又云隋於縣北十里博昌故城置壽光矛

盾又古蹟志云隋壽光在今博興境內

不知博昌爲劉宋縣故云

又矛

盾 古蹟杜預斟灌在縣東南之說似無據按灌城正在

牟城東南此不知牟城爲漢壽光也 古志云益城亦名

赤鳥城未知所出 豐城意水經注北徙豐人或卽此城

之人徙之於益城故改曰南豐繆 樂望城土人呼樂城

或據碑文疑爲洛城可哂也彼乃邑人曾宰洛州洛城者

耳按此真足哂者

鹽城

卽霜雪城

在西北六十里漢壽光故

城也按此誤將水經注巨洋支津北流入鉅淀句與下經

文巨洋經流又東北過壽光縣西句連讀又誤將壽光城

側積而爲潭之水

今牟城側猶積爲泊

認作巨淀致此巨繆獨不思

鹽城巨洋不逕其西堯水不逕其東不與灌城相對耶
南皮臺南皮之名無考何嘗無考

續山東考古錄卷之十七

滄州葉圭綬子佩甫述

青州府下

昌樂縣

漢青州北海郡劇縣劇魁縣及營陵縣地

北海郡劇縣故城在西十里又名劇南城水經注西丹水自
凡山北流逕劇縣故城東按此劇城卽北海郡劇縣漢志注
侯國者水經注於巨洋所逕之劇縣旣云文帝別爲留川國
又云武帝封劉錯爲侯國是混兩劇爲一城矣

劇魁縣故城舊說在西北姑從備考

縣南五里有留泉社疑漢柳泉縣也柳留字俗每通稱留舒
城魏志作柳舒可證其地正北海郡地辟閭渾使楊諮戍此
時慕容德踰大峴而來葢防其東侵也縣西與益都接益都
東境疑有柳泉地故俗稱益都爲柳泉耳備考

後漢青州北海國治劇縣建武十三年併淄川膠東高密三國

入北海

此據地志光武紀十三年并淄川屬高密膠東屬北海其後無并高密膠東二國入北海之文且其時亦無高

密膠東二王國則此

省淄川劇縣入劇縣建安十一年北海爲

郡三國魏志城霸傳太祖

魏太和六年爲國青龍元年爲郡

補

郡以孫康爲北海郡太守
國志劇屬東莞考晉太康志劇屬琅邪魏未必已屬東莞。晉
泰始元年北海復爲國三年爲郡太康時劇屬琅邪而廣漢王
實仍徙封北海太安元年始廢國未詳治何縣劇屬琅邪亦未
詳確在何時如在魏代則魏北海沿革亦不當係此茲姑沿後

漢書之晉代北海沿革則附載於此備考

又營陵縣地

後漢志北海國十八城劇第一卽國治矣

後漢地志首列之縣皆郡國治所

下云有紀亭古紀國前漢志留川國劇縣下應劭曰今紀亭是蓋後漢省留川劇入北海劇爲紀亭應後漢人故云然紀要誤作省此劇入留川劇

晉徐州東莞郡劇縣太康時屬琅邪後屬元康十年屬高密國又營陵縣地

補三國志謂西晉實有北海郡考魏志無晉屬北海之縣沈志稱膠東卽墨晉屬北海而魏志膠東云晉屬齊郡卽墨云晉屬長廣蓋太安以前晉原有北海後漸入他郡國沈志亦

祇此二縣云晉屬北海無獨留二縣置一郡之理況魏志更有明文耶此正休文之挂漏今不從 劉宋志劇太康志屬琅邪是劇先割屬琅邪又屬東莞也

劉宋青州北海郡劇縣高密國營陵縣地

後魏青州北海郡劇縣都昌縣膠州平昌郡營陵縣

後魏都昌縣故城在東北二十里今都昌集通典寰宇記並

稱漢都昌縣故城在臨朐東北隋志都昌有箕山堯水所出棋山也在

臨朐東北疑程符山阜山在縣南白狼蓋隋劇縣省

今縣境惟東南屬營邱餘大抵首都昌地且東侵淮南及朐

矣後魏都昌無如許大而其縣治卽都昌集杜佑誤以爲漢

治樂氏沿其誤而以漢都昌爲漢昌邑愈繆

宋都昌寄治青州

後魏營陵縣故城在東南五十里今營邱集漢城在濰縣此

後魏治無疑東南去漢城十許里

詳濰縣

齊乘後魏改營邱誤

高齊青州高陽郡都昌縣劇營陵並廢周因之

隋青州北海郡

都昌縣營邱縣開皇十六年復於後魏營陵城置隋

亂二縣並廢

隋志營邱後齊廢開皇十六年復似齊已名營邱者蓋隋復置時改名耳

唐北海縣地武德元年復置營邱縣於縣權置杞州二年州廢屬濰州八年省營邱入北海五代因之

宋京東東路濰州昌樂縣乾德中析北海壽光置安仁縣尋改

寰宇記昌樂縣在州西五十五里方山在縣東南二十五里

叢角山在縣

今本誤作州

東當作東南

五十里與今略同似宋縣卽今

治其西丹水

縣西五十里

東丹水

縣西六十里

廢劇縣

縣西五十里

紀臺縣西

六十里至縣里數皆北海下舊文偶未及改耳齊乘所謂廢昌

樂城卽營邱集漢營陵城又恰在東南十餘里後人不知濰

縣有營陵城因謂宋昌樂在營邱集西北十餘里則與寰宇

記所載至州里數方山叢角山兩丹水兩劇城去縣里數無

一合者矣九域志亦云在濰州西五十五里則不在營邱集

西北十餘里甚明明史稱古城在西縣西五里丹水側有城

址微跡方山去今縣較寰宇記差五里似宋縣在彼也俟再考

金山東東路濰州昌樂縣元北海縣地至元二年省昌樂入之明史稱元後復置元志不載紀要稱明初復今姑從元志

明山東布政司青州府昌樂縣

明志洪武中徙今治

國朝因之

縣志

嘉慶十四年
修知縣倪鏞

封建表始逢伯陵繼太公按上去爽鳩

季荊中去蒲姑氏殊不可解 漢代列甯川國王三人按

縣境無甯川國地 沿革疑營邱城卽唐北海縣城穆

此

唐北海令竇倭穿白狼水既田疑唐北海縣即治營邱城
豈不知營邱集唐時亦北海縣地耶又云營邱城即漢營
邱縣非濰縣之營邱城是明知濰縣尚有一
營陵城安見彼非漢縣耶漢亦不名營邱

明史吳元年

復昌樂明史無此文 東丹水北逕昌樂故城按此本水

經注東丹水北逕縣合西丹水之文不知所謂縣乃北海

劇縣此逕作昌樂故城繆 古蹟營陵城在留泉社誤

淳于後爲杞所有亦卽昌樂故國按此因營陵爲緣陵而

誤不惟淳于不在此營陵亦不在此 營邱古城在邑東

南五十里太公受封所築也按此後魏縣近志以縣爲太公始封處其誤

由於應劭至以魏縣當之愈繆寰宇記昌樂縣本夏邑商
以前故國太公前封之處是逕以宋昌樂爲古營邱抑知
宋縣治乃漢北海郡劇縣或劇魁縣地隋都昌唐北海地
第宋析置時後魏營邱城在其東南境耳至云夏邑尤不

知所
本

臨朐縣

周紀邾邑後入齊又齊東陽邑又穆陵地又戰國齊朐邑

春秋莊公元年齊師遷紀邾

一作駢論語奪伯氏駢邑三百四書釋地曰古者二十五家爲

里各立社書其社之人名於籍楚以七百里書社之人封孔子書社三百乃七千五百家管仲食邑不止於此此其一耳

杜注邾在東莞臨朐縣東南漢志臨朐下應劭注有伯氏駢

邑後漢志臨朐有三亭古邾邑

三字疑邾闕文或曰取三百字以名亭恐未必然據

諸說是邾在臨朐境耳非卽臨朐城也而水經注云巨洋水

逕臨朐城東城古伯氏駢邑也二說互異未詳就是

又襄公二年晏弱城東陽以逼萊杜注齊境上邑通典臨朐

新山東志卷之十一
有古東陽城一名凡城

齊乘臨朐縣古伯氏駢邑通典云古東陽城左傳城東陽是也漢置臨朐

縣竟似臨朐城卽東陽城矣甚不合

或以去萊都黃縣太遠爲疑征南但云境

上邑亦似因此不知萊都當在今平度高密諸縣境

詳黃縣據

寰宇記輔唐北境卽臨朐東境輔唐治在今安邱東南二十里其北境卽濰水西岸逾濰至高密四五十里耳卽萊國之維邑唐無昌樂臨朐東境大於今日凡城以凡山卽丹山得名水經注丹山在朱虛東北則今昌樂以南之山古皆丹山東陽城當在臨朐東境通志稱在縣東十里以近世惟以縣東北十許里古丹山極西之麓爲丹山臆度凡城在其處耳今無址可考姑從通典係此

又僖公四年左傳管仲曰南至於穆陵林氏曰索隱云今淮

南有故穆陵關是楚之境按

林

是時管仲相齊子文相楚正

是的對楚既以涉地何故爲問則齊不應舉受封境以自狹

當以征伐所至爲正余按穆陵在沂水縣北見元和志以西

河東海例之正春秋齊之疆域齊始封止於百里管仲以此

爲賜履所至正侈言以喝楚四書釋地謂管仲自誣其先君

以夸楚最當答涉地之問在五侯九伯二句直可專天下之

征伐豈止河海遼西

林謂無棣在遼西

淮南而已如林氏說不惟反

嫌自狹且明明楚地而以爲齊所賜履得不貽笑於蠻荆乎

胸邑見壽光紀城條胸劇並稱地本相近也古邑當卽漢縣

漢青州齊郡臨朐縣徐州琅邪郡朱虛縣臨原縣

西境當有萊蕪縣地

臨朐縣卽今治水經注巨洋水逕臨朐縣故城東其城側川

臨朐

朐下當有山字山在城東二里

又東北逕委粟山東今治在巨洋水西

一里委粟山南三里

元和志委粟山在縣北七十里誤

卽漢治無疑通志稱

故城在東南二里疑古城較大耳又云駢城在西南半里與

在東南卽縣治二說皆不合當亦古縣城西南址

朱虛縣故城在東南六十里寰宇記稱在縣東稍誤

臨原縣故城寰宇記稱在縣東輔唐北無里數未詳所在

漢琅邪駢縣或謂卽駢邑但寰宇記稱在安邱南與郿城相

近與杜預臨朐東南之說不合晉時朱虛未省郿在臨朐東

南則在朱虛東北不能至安邱南境鄆道元謂臨朐卽那固與杜說不符亦可證那爲漢餅縣古無此說也

寰宇記漢掖縣故城在臨朐

缺疑是東字

九十里與齊乘互異今

未詳孰是

互見膠州

後漢青州齊國臨朐縣北海國朱虛縣魏臨朐屬東莞郡朱虛未詳何屬

補三國志魏朱虛屬城陽據晉志也而魏志稱晉屬琅邪烏知非初因魏舊乎

晉徐州東莞郡臨朐縣又朱虛縣初屬琅邪後屬元康十年屬

高密國

晉志臨朐有海水祠混入東萊臨朐矣

劉宋青州齊郡昌國縣西安縣安平縣般陽縣平昌郡朱虛縣

後魏因之

後魏平昌郡屬膠州

劉宋昌國縣卽漢臨朐縣城隋志臨朐舊曰昌國而劉宋無

臨朐蓋於昌國僑立武城縣改臨朐爲昌國也元和志臨朐

漢縣開皇六年改爲逢山紀要臨朐宋省隋改置逢山不有

隋志何從知爲宋魏齊周之昌國縣乎

魏志昌國有紀信冢今無考通志係淄川

查不知後魏昌國非漢治非紀信冢真在今淄川也

劉宋西安縣故城在西南十里今西安店魏志西安有逢山

八士山皆在縣西八士山在西五十許里疑漢萊蕪地矣

劉宋安平縣故城當在縣北魏志安平有覆釜山卽委粟山

劉宋盤陽縣故城在東南二十五里今盤陽店魏志般陽有

朱虛城大峴山甑山

昌樂塔山

鉅平山太山祠

沂山也鉅平山今太平山

蓋有

後漢晉朱虛境十之七八

劉宋朱虛縣故城當在縣東北魏志朱虛有凡山蓋有故朱虛之北境

高齊青州齊郡昌國縣周因之

隋志臨淄下及東安平西安並後齊廢誤以魏安平西安爲漢治也當係臨朐下盤陽朱虛齊皆廢

隋

青州北海郡

臨朐縣開皇六年改昌國曰逢山復置盤陽縣大業

初改逢山仍爲臨朐省盤陽入之隋亂廢

紀要臨朐西南有盤陽城隋析置般陽縣按隋復後魏之舊

耳縣西南無盤陽城 齊乘臨朐晉省入昌國縣隋改逢山

按晉並未省臨朐是見隋志舊曰昌國句不知爲劉宋改也

唐河南道

青州
北海郡

臨朐縣武德二年復並復盤陽縣八年省入

臨朐五代因之

新唐志北海縣下武德二年置東陽縣屬濰州六年省未詳

卽治古東陽城否

宋京東東路

青州

臨朐縣

金山東東路益都府臨朐縣穆陵縣貞祐四年析穆陵鎮置縣

穆陵縣故城在南九十里今穆陵關九域志臨朐有穆陵鎮

元都省山東益都路臨朐縣省穆陵縣入之至元三年省入益都十五年復

明山東布政司青州府臨朐縣

國朝因之

縣志

康熙十二年修知縣

安邱縣

周淳于國又名州春秋杞國都又莒茲邑後入魯紀郟邑後入齊

春秋桓公五年州公如曹左傳淳于公如曹杜注淳于州國

所都城陽淳于縣也

水經注以淳于爲古斟灌國考斟灌在壽光其巨泮水篇言之甚詳此當是斟

鄆之訛斟縣爲國都此或別邑但斟縣在寒城東南陸路甚近淳于東瀕濰北瀕汶寒澆之伐用舟師於理爲近路史以灌鄆斟爲三國不爲無見惟以斟爲漢北海斟縣又以鄆爲濰州東南五十里之斟城蓋羅氏沿水經注誤文以齊光東南之灌城爲淳于故以斟縣分當二國余謂果爲三國灌城爲灌斟城爲斟淳于爲鄆固截然三地矣又羅氏謂灌鄆皆斟姓斟爲已姓皆非禹後則未詳所本

又昭公五年莒牟夷以牟婁及防茲來奔杜注姑幕縣東北

有茲亭按姑幕卽莒州石阜集縣西南卽其東北茲當在縣

境也卽漢茲鄉縣杜氏以牟婁爲一地見諸城新府志以爲二地縣西南有牟山地名牟鄉謂卽牟邑

考宣十五年仲孫蔑會齊高固於無婁公羊作牟婁杜注以無婁爲祀邑蓋亦以無婁爲牟婁隱四年莒人伐杞取牟婁

也但在宣公時實莒地不當仍注杞邑耳以爲兩邑似誤

太平御覽引列仙傳曰安期生琅邪阜鄉人按漢琅邪安邱縣城隋時曰牟鄉城疑安邱卽以安期生得名本古牟鄉爲安期故里傳寫者訛牟爲阜耳寰宇記安邱縣古根牟圍

考根年在_{今沂水}此亦因年鄉城致誤

又莊公元年齊師遷紀郟杜注在朱虛縣東南按卽漢郟成

縣

昌樂南有郟郟集其縣志以爲紀郟邑或與臨朐之郟邑皆紀之本邑而漢之郟成與餅乃齊所遷數備考

漢青州北海郡安邱縣淳于縣高密國昌安縣徐州琅邪郡安邱縣郟成縣茲鄉縣餅縣

北海郡安邱縣故城在南一里今渠邱亭

詳下

琅邪郡安邱縣故城在西南十五里舊說以此爲北海安邱

而琅邪安邱則從無考及者不知漢志自有明文習而不察

耳按志北海郡安邱下云莽曰誅郟孟康曰今渠邱亭是

今本

脫亭字據水經注引補

此北海郡安邱縣卽南一里之渠邱亭夫復何

疑水經注混兩安邱而一之迄今無以復辨汶水篇云東逕

安邱縣故城北漢高帝八年封將軍張說爲侯國地理志曰

王莽之誅邳也孟康曰今渠邱亭莒渠邱城是也

渠邱在莒州南詳莒

州此伏琛晏謨齊記並言亭在安邱東北十里非城也城對

牟山夫漢志北海安邱有莽曰而非侯國琅邪安邱注侯國

而無莽名道元此謨與兩劇正同孟康時北海安邱已省入

琅邪安邱今渠邱亭者言降爲今安邱之渠邱亭也道元時

城廢已久但知爲安邱所屬之亭不知爲北海固有之縣故

云是亭而非城今此亭在對牟山之安邱故城東北十二三

里當爲北海安邱之東北址

古相去十里今差數里者此數里卽其城也

而對牟

山者卽琅邪安邱不待言矣惟屬北海者省入屬琅邪者而仍屬北海人多不察以此紀要謂北海安邱在縣東北琅邪安邱在縣東南是並一安邱尙不知所在何足與考兩安邱乎又或謂牟山卽九域志之安邱山山北者屬北海屬琅邪者亦在山側徙憑臆揣胡足爲據

淳于縣故城在東北三十里今杞城齊乘亦作起城

昌安縣故城在東少南二十里寰宇記昌安城今縣外城是也此本通典今本作安昌城傳寫倒耳齊乘云寰宇記謂安昌城未免膠柱

齊乘於安邱古城最茫昧將漢兩安邱城昌安城石泉城今安邱城混而一之考証辨已

悉紀要稱在縣西南十里誤以琅邪安邱城當之也

梧成縣故城在西南六十里嶧山上水經注汶水

自朱虛縣又東

北逕嶧城北地理風俗記曰朱虛縣東四十里有嶧城亭故縣也是嶧城亭卽梧成縣降爲亭也或因杜預稱郿在朱虛東南與此云在東小異謂在東南者爲亭在東者爲縣誤

茲鄉縣故城當在縣西南

詳前

餅縣故城當在縣西南寰宇記安邱縣餅漢縣舊地理書皆失其所在縣南近與郿城相近姑從之又云成鄉漢縣後省按郡國縣道記云北海有成鄉王莽改曰石樂此成鄉

屬高密

王莽改曰順成卽明二成鄉所理各別舊地理書並不載所

在蓋在今邑北界與北海成鄉犬牙相錯備考

後漢青州北海國安邱縣省北海安邱入琅邪安邱改屬北海

又淳于縣昌安縣中興皆省安帝復又朱虛縣地

梧成入朱虛

魏安

邱未詳何屬淳于昌安屬城陽

後漢志北海安邱縣有渠邱亭蓋併兩安邱爲一而縣治琅

邪安邱改屬北海北海安邱降爲亭也前書孟康注北海安

邱實康時已省之縣故曰今渠邱亭卽應劭注菑川劇縣今

紀亭之例也司馬彪所書實琅邪安邱縣治而併有北海安

邱者故曰有渠邱亭卽其劇縣下有紀亭之例也知紀亭爲

菑川劇縣卽知渠邱亭爲北海安邱矣夫兩劇兩安邱兩漢

志本自簡明白水經注以後諸書皆混而一之惟紀要知有

兩劇兩安邱而考之不詳復多舛錯近志何貴乎

補三國志安邱屬東莞而晉太康志屬琅邪似魏仍漢舊

晉徐州東莞郡安邱縣初屬琅邪國後屬元康十年屬高密國
又朱虛縣地又青州城陽郡淳于縣昌安縣

劉宋青州平昌郡安邱縣琅邪縣高密郡淳于縣昌安縣

後魏膠州平昌郡治晤城故城爲縣地又安邱縣淳于縣

昌安縣琅邪縣

隋志郿城下舊置平昌郡後齊廢蓋後魏郡治在此但後魏
無晤城縣其時朱虛已徙治疑爲琅邪縣地

魏志琅邪有管寧墓其縣治當在縣西隋志齊於郿城置琅

邪縣知宋魏琅邪本近梧成矣寰宇記諸城縣琅邪城後魏復置高齊又省按後魏琅邪非舊治宋復非魏置齊亦未省樂氏殊誤

魏志淳于有淳于城未詳徙治何所

魏志昌安有昌安城巨邱亭是跨有安邱地且非漢治矣今治東南昌安城通典以其外城爲漢治蓋後魏於漢城內築中城所有之昌安城卽指外城也魏志各縣所有古縣城似此者想不少但不可考耳

高齊膠州平昌郡琅邪縣移郡治黔陬縣移琅邪縣治梧城城又昌安縣天保七年省安邱入之省淳于入高密周因之

隋高密州郡部城縣及安邱縣地開皇十六年於漢琅邪安邱故

城置牟山縣大業二年改爲安邱又改琅邪爲嶧城三年安邱

移治今諸城境

寰宇記隋分昌安縣於牟鄉城置牟山縣蓋安邱省入昌安
爲牟鄉也 大業二年一年內安邱嶧城皆漢舊治舊名

唐河南道高密州郡輔唐縣武德二年復置昌安縣屬濰州六年

與部城縣皆省入安邱乾元二年移安邱來治昌安故城改名

輔唐安祿山
時故五代梁仍名安邱唐仍名輔唐晉改膠西周因之

寰宇記武德二年安邱移於今理誤以復置昌安爲安邱移

治也 續通考後晉省安邱入膠西誤

宋京東東路

高密州郡

安邱縣開寶四年改膠西仍名安邱

紀夢稱宋移今治考寰宇記安邱縣牟山在縣西南十三里

王修墓在縣西四十七里

今四里

與今略同故城益東二十里

與此數甚不合

寰宇記本雜集各地志而成當分別觀之

宋徙今治似可信新府

志以爲元王野驢修築今城始徙今所備考

金山東東路密州安邱縣

元都省山東益都路密州安邱縣

明山東布政司青州府安邱縣

國朝因之

縣志

明萬曆十七年修國朝康熙元年續

知縣

熊任周鼎

志據隱四年莒人伐

杞取牟婁其時杞已在東方淳于之亡當在春秋初杞人
遷而居之桓公六年州公始以寓公如曹按據牟婁之取
杞固已卽東夷但謂淳于亡在春秋初則不然傳言度其
國危是猶未滅之辭也諸侯失地名桓六年經書州公七
年書寔來是亡國在桓七年也杞自陳留東遷本卽東夷
周時邊海夷地廣衍與內服國邑櫛比者不同故可占居
杞之初遷當在近淳于夷地高密膠州諸
城古皆夷地先取其旁邑後
滅其國而徙都之則牟婁當是杞取諸淳于或他夷國者
不必據其國都始能有其旁邑也

諸城縣

周魯諸邑莒牟婁邑防邑後皆入魯又齊琅邪邑

春秋莊公二十九年城諸及防杜注諸今諸縣路史諸彭姓國

牟婁故城在西北十五里今董家厓頭村春秋隱公四年莒人

伐杞取牟婁杜注城陽諸縣東北有婁鄉後漢志平昌有婁鄉蓋漢晉不同屬

也劉昭於平昌諸縣皆引杜說似不合 水經注涓水逕婁鄉城東又分諸縣之

東爲海曲縣故俗人謂此城爲東諸城按或據此謂此爲琅

邪海曲縣在日照者屬東海考後漢志徐州廣陵郡海西縣

下云故屬東海卽前漢東海海曲縣寰宇記兩海出一在海

州懷仁縣詳莒州一在莒縣卽在日照者皆不在諸城明矣酈注存

疑俟考

防邑故城當在縣西春秋昭公五年莒牟夷以牟婁及防茲來奔杜注平昌西南有防亭按莊公時此防未入魯二十九年所城非此矣但地近諸邑疆場彼此正未可膠柱

孟子齊景公曰放於琅邪按卽漢縣 越王句踐徙都琅邪前人多疑之今不取

漢徐州琅邪郡治琅邪縣呂后改琅邪國文帝元年國除爲郡

還屬齊後屬朝廷當在齊國除時又東武縣橫縣昌縣平昌縣及姑幕

縣地博物記曰姑幕縣東南五里有公冶長墓今在縣西北四十里錫山側青州高密國石泉縣

地故城在東北高密境內與縣接界

琅邪縣故城在東南一百三十里今夏河城據水經注秦漢

郡治卽在琅邪縣或因漢志郡首京武以爲郡治非也 元和志琅邪山在諸城東南百四十里水經注琅邪故城在山西北十里則去諸城百三十里寰宇記作百六十里似誤

東武縣卽今縣治東南有遺趾水經注濰水東北過東武城

縣西

當作東武縣城西字倒耳

縣因岡爲城周三十里又北左合扶洪之

水晏謨伏琛云東武城西二里濰水者卽扶洪之水也又北右合盧水水出現邪橫縣故山山在東武縣東南世謂之盧山西北逕昌縣故城西又西北逕東武縣故城東據此是東武縣城在濰水南扶淇水東盧水西今治正其故地特古城甚大後魏於其內築中城今城周七里居古城四之一卽中

城也縣東南有古城一段卽外城也或謂古城在東南今治乃西北移者今扶淇水在西七里視去古城偏東五里非西北徙明矣今城作凸字形齊乘曰密州理有中外二城外城漢東武城中城後魏築按宋元時外城久圯蘇軾山堂銘序有云野人來告故東武城中出亂石無數可證于氏於密州不云有古城則所謂外城指今治南半耳

諸縣故城在西三十里又名季孫城

橫縣故城當在縣東南寰宇記橫縣故城在盧山之北盧水之側今無城址按水經注不言盧水逕橫城樂氏臆度耳

昌縣故城在東北二十五里今昌城村

平昌縣故城在西北六十里又名龍臺城俗曰城陽城又名

鬪雞臺水經注平昌城東南角有臺臺下有井常有龍出入

其中故世亦謂之龍臺城寰宇記平昌城龍臺城並見不合

齊乘有平昌城又有城陽城云在安邱西南八十里漢城陽

國亦曰龍臺城尤繆

城陽俗名耳漢城陽國治莒縣

齊乘平昌城安邱南

六十里考證曰安邱志漢平昌城在柴溝爲諸城界此條所

謂平昌城乃後魏之平昌郡漢郡城耳按于氏誤在別出城

陽城此卻不誤柴溝在濰水東據水經注荆水在平昌城東

濰水又在荆水東平昌城在濰水西三四十里柴溝安得爲

平昌城耶安邱南六十里正諸城西北六十里考證蓋以平

昌城既係諸城在安邱者自當是郡城不知平昌縣城已近
安邱境寰宇記所謂在安邱南六十里者若郡城在安邱西
微南六十里不在南也

後漢徐州琅邪國東武縣琅邪縣國治移莒縣

後又移開陽

又諸縣

及姑幕縣地又青州北海國平昌縣魏城陽郡治東武縣諸縣
割屬省琅邪縣又置平昌郡後廢

後魏志建安三年魏武分北海爲城陽郡寰宇記魏明帝復
城陽郡而郡徙理東武或後漢末復郡時卽治東武而寰宇
記誤作魏明帝或漢末復郡仍依前漢制治莒魏明帝復徙
東武皆未可知也

後漢晉皆有諸縣補三國志獨無亦別無依據蓋漏載

劉宋志魏文帝分城陽置平昌郡當卽治平昌縣也晉惠復
置治所及屬縣皆未詳劉宋郡治或平昌或崑城亦無明據
紀要稱曹魏治平昌城晉宋因之考晉平昌郡與高密國同
年復而平昌縣屬高密則平昌郡不治平昌矣晉宋平昌郡
姑闕書俟考

晉青州城陽郡治東武縣初爲城陽國泰始中爲郡又諸縣平

昌縣又姑幕縣地太康十年東武諸屬東莞郡元康十年廢城

陽郡

太康十年後未詳治何縣

平昌縣屬高密國

元康十年城陽惟餘高密壯武黔陬平昌昌安夷安

七縣是年盡入高密則城陽廢矣晉志所載析入高密之十一縣其舊諸姑幕東莞四縣太康十年已屬東莞志槩屬城陽誤

續山東考古錄

卷十七

六 蝸角尖廬

元康十年平昌高密兩郡同置而此十一縣皆屬高密此外無縣可屬平昌疑有誤。平昌城俗名城陽或太康十年後郡治歟

劉宋青州平昌郡平昌縣東武縣徐州東莞縣諸縣

後魏膠州治東武郡治東武城永元二年置郡永安二年置州又置扶淇縣梁鄉縣興和中於梁鄉置臨海郡尋廢又姑幕縣地高密郡東武縣平昌縣延昌中來屬又南青州東莞郡諸縣魏志膠州治東武城寰宇記密州理中城後魏莊帝永安二
年築以置膠州按郡以東武名當亦治東武城或因郡首姑幕謂郡治姑幕魏志首列之縣不必皆郡治也

魏志扶淇有常山祠

山在縣南三十里扶淇水沙城疑城西北沙山今名白玉山

雲母山

縣東南十里

瀘水又東武有平昌城其平昌下云治平昌

城則東武所有乃昌城衍平字耳觀扶淇所有皆故東武縣地今縣境未聞有扶淇故城疑東武移故昌縣地而扶淇卽置於東武城也備考

魏志梁鄉有梁鄉城五駑山

縣東五十里

紀邱山

卽琅邪山

琅邪臺舊

以縣南百二十里之兩城鎮爲梁鄉城第以兩音近梁別無依據余謂梁鄉卽琅邪故境有琅邪臺而無琅邪城似縣治卽在琅邪城以北有梁鄉城

詳膠州

因以名之不名琅邪者以平昌郡有琅邪也備考

魏志膠州平昌縣下前漢屬琅邪云云其青州齊郡平昌縣

下注與此同一縣同時屬兩州兩郡無此理也且此平昌與齊郡壤地不接則齊郡平昌乃劉宋平原僑郡屬縣後魏割度者魏氏誤以此平昌注文重出於彼其本注遂闕故治所無考水經注淄水篇載其父太和中刺州青州時濁水復通有平昌龐民孫道相獻頌考濁水卽益都城南南陽水此獻頌者卽齊郡平昌之老民其縣治當與州治相近

高齊膠州治高密郡治東武縣廢東武郡移高密郡來治又東

莞縣地

姑幕省入

周因之

齊省併扶淇等縣如後魏東武徙昌縣地還治故城當在此時

寰宇記諸縣齊天保七年省又平昌縣亦云齊省

隋

高密郡

治諸城縣開皇初改膠州爲密州十六年改東武爲

諸城又置豐泉縣大業初改名琅邪又安邱縣大業初來治平昌故城又東莞縣地

舊唐志諸城下隋移入廢高密郡城按卽後魏中城也

隋志琅邪有徐山盧山鄆日山膠水卽漢琅邪後魏梁鄉故地也初置名豐泉以別有琅邪縣故迨琅邪改名嶧城乃改豐泉爲琅邪當卽治漢故城

唐河南道

高密州郡

治諸城縣五代梁龍德元年改名膠源唐復

故漢爲防禦州周改軍事

舊五代史梁龍德元年改漢諸縣爲膠源中書舍人馬縞請也按朱溫父名誠縣兼犯姓名故稱漢諸縣而復改名

宋京東東路

高密郡

安化軍節度治諸城縣建隆元年改防禦

州開寶二年升安化軍尋降防禦六年復爲軍

金山東東路密州治諸城縣

元都省山東益都路密州治諸城縣

明山東布政司青州府諸城縣洪武二年廢密州

附

洪武初置

諸城千戶所夏河寨千戶所

國朝因之 裁千戶所

縣志

乾隆二十九年修

知縣

宮懋讓 鄧亮功

沿革後魏郡治姑幕

恐未確

不知齊琅邪治晤城而妄疑隋志

古蹟城東

北十五里有諸馮村明職方地圖諸城下注舜生處按益

子稱舜爲東夷之人此自可備一說但去岐周千有餘里
孟子所謂諸馮似非此地 漢志琅邪郡首東武琅邪亦
不著王國豈劉澤徙燕之後國廢而郡遷東武耶按漢志
王國皆列諸郡後縣下無注王國者况已改郡尙何注乎
琅邪郡治琅邪縣水經注有明文似未之見 古城在縣
東南門外岡上水經注所謂東武城指此齊乘以今南城
爲漢縣或漢復遷築者耶水經於所過縣皆曰縣獨濰水
云過東武城縣西是城爲古城縣爲今縣而濰皆過其西
在桑欽時已然矣按此竟未見寰宇記魏築中城之文齊
乘以今治南半爲外城本其誤處乃不觀下文後魏築等

水經注卷之二十一 渠水 三十一
語妄疑漢所徙治又因水經一字偶倒穿鑿爲古城今縣
之說竟謂桑欽時已然闕之失笑

青州府補遺

益都縣

一統志柳泉故城在益都縣東按昌樂之留泉社正在益都之東或元省昌樂後其地分隸益都故相傳益都爲柳泉歟

宋書沈文秀傳爲青州刺史叛應晉安王子勛青州強姓門族相合據北海城拒之文秀遣軍主解彥士攻北海陷之高陽渤海太守劉乘民弟伯恭率鄉民復克北海因率所領向青州所

治東陽城南齊書劉善明傳亦云北海太守劉懷恭卽伯恭據郡

相應按州郡志稱北海郡寄治州下志以大明八年爲斷文秀叛在太宗初不應別有北海郡城或此後始寄治志不盡以大

明八年爲斷歟後漢北海治劇縣晉已析隸他郡州郡志北海郡首都昌或卽治都昌志載都昌亦寄治州下或此番亂定後隨郡徙治歟

魏書刁雍傳是時攻東陽平其北城蓋本有南北二城矣 又袁翻傳皇興中東陽州平稱青州爲東陽州僅見 又神元平文諸帝子元天穆傳河間邢杲自鄭城南度居青州北海界靈太后詔所在置郡縣選豪右爲守令青州刺史元世儻表置新安郡以杲爲太守後不果按後以杲從子瑤爲河間太守蓋青州境內本有河間等僑郡不煩別置故不果行也

山河兩戒考東漢北海國治劇縣魏爲益都城晉安帝爲北青

州劉宋仍曰青州後魏又改益都郡後周改齊郡隋復爲青州
改北海郡按此舛謬已極因隋青州改北海郡混入漢之北海
國魏益都白在今壽光混入今益都且似劇縣改名者後魏益
都郡尤爲杜撰

隋書段元振傳北海郡原人北海無此縣名通志人物門收之
當存疑

臨淄縣

通志人物門有晉張載云臨淄人考本傳及衛瓘三都賦序並
云張載安平人乃安平國人也臨淄有東安平故城誤因此
魏書侯淵傳淵斬青州刺史元貴平而詔以封延之爲青州刺

史淵既不獲州任情又恐懼行達廣川遂劫光州庫兵反按光州當卽廣川之訛廣里亦作光里二字古每通用川州形近而誤不然光州治東萊郡廣川在臨淵何能劫其庫兵耶又崔光韶傳稱淵停軍於益都亦當作廣川魏時益都尚未徙治魏收當北齊時益都已徙東陽城而省廣川入之故作益都耳

博興縣

一統志引縣志延鄉城在縣西南五里故址尚存考水經注延鄉城在今新城此城或卽高昌城也綬按說可從

彭注五代史引文獻通考博興後唐改千乘漢博昌後唐改按通考千乘下注闕重出博興下注此誤混爲一

高苑縣

宋書顏師伯傳虜天水公攻樂安城平原樂安二郡太守分武都等拒破之按時在大明二年樂安郡猶治臨濟故與平原共一太守又蕭思話傳蕭斌遣將軍崔猛攻虜青州刺史張淮於樂安時在元嘉二十七年始得樂安而僑立渤海等郡則在大明二年後矣

寰宇記稱高齊長樂縣屬長樂郡余疑之故闕書郡名今考隋志信都郡長樂縣下云舊曰信都帶長樂郡開皇初分置長樂縣是齊之長樂郡治信都縣隋始分立長樂縣而郡又廢樂氏既混兩代沿革爲一代事又泚僑縣於實土

壽光縣

路史二斟皆斟姓非姒姓賈逵又以爲曹姓皆不知所本

漢志菑川國劇縣下應劭注故肥國紀字形訛也路史云肥城
外菑川亦有肥國與以滕爲膠國同一疎謬

括地志菑川故城在壽光西三十一里當作西南

宋書夷蠻傳燕王馮宏奔高驪北豐城按城當在遼東境水經
注北徙豐人云云當作徙北豐人

昌樂縣

晉書隱逸傳石垣北海劇人載記王猛自云北海劇人按晉劇
縣太康屬琅邪又屬東莞屬高密此皆據舊制言之

宋書符璠志泰始三年五月己卯白鵬見北海都昌大明三年九月乙亥嘉禾生北海都昌縣永初二年赤烏見北海都昌按都昌未寄治州城以前或仍漢舊或已徙今昌樂都昌集不可考矣

臨朐縣

括地志駢城在臨朐東三十里

山左金石志謂柳山寨爲駢城其地去縣七十里疑未確

一統志朱虛故城在今縣東北廟山社有遺址土人呼爲城頭按水經注巨洋水先逕朱虛城西後逕臨朐城漢朱虛城似不能在縣東北在東北者當是宋魏朱虛城也

安邱縣

路史安邱西南六十里故郟城漢梧城縣注云杜預謂在下縣
南又朱虛東南有郟城按在下南者乃魯邑與此無涉朱虛東
南卽安邱西南非二城

晉書文苑傳伏滔平昌安邱人考晉志平昌郡與高密國同時
置高密所屬十一縣內有安邱而平昌無一屬縣余固疑有誤
據此知安邱屬平昌郡矣

宋書沈文秀傳泰始四年虜青州刺史王隆顯於安邱縣又爲
軍主高崇仁所破是時文秀猶守青州東陽未破故後魏青刺
暫駐安邱也

諸城縣

山河兩戒考後魏於晉諸縣置高密郡隋改諸城按晉魏諸縣
猶漢治隋改東武爲諸城縣 魏東武高密兩郡治所地形志
無明文余初因東武郡以縣爲名自當治東武城而東武縣卻
屬高密境有昌城故疑移治故昌縣地而扶淇倚郭但隋志諸
城下云舊曰東武置高密郡或東武縣仍舊魏已移高密治此
而東武郡或與高密同治或治姑幕皆未可知一統志扶淇故
城在諸城西北縣志西北有扶淇鄉疑本漢扶浸侯邑也並存
備考

北齊書祖挺傳曾主膠東刺史司馬世雲家飲酒東當作州

金密州仍爲安化軍提綱缺書

後漢書光武紀張步起琅邪注郡有琅邪山故城在今海州朐山縣東北按光武初郡治猶在琅邪縣注誤以劉宋儁郡當之